

S2651-7

901

千金方衍義 二十三

孫真人千金方衍義卷二十

長洲張璐路玉著

南沙席世臣郢客校

膀胱腑方 凡七類

膀胱腑脈論第一 論一首 脈四首

論曰膀胱者主腎也耳中是其候也腎合氣於膀胱  
膀胱者津液之腑也號水曹掾名王海重九兩二銖  
左回壘積上下縱廣九寸受津液九升九合兩邊等  
應二十四氣鼻孔在外膀胱漏泄

黃帝問曰夫五臟各一名一形腎乃獨兩何也岐伯

對曰膀胱爲腑有二處腎亦二形應腑有二處臟名一腑名二故五臟六腑也一說腎有左右而膀胱無二今用當以左腎合膀胱右腎合三焦  
左手關後尺中陽絕者無膀胱脈也病若逆冷婦人月使不調三月則閉男子失精尿有餘瀝刺足少陰經治陰在足內踝下動脈是也

右手關後尺中陽絕者無子戶脈也病苦足逆寒絕產帶下無子陰中寒刺足少陰經治陰

左手關後尺中陽實者膀胱實也病苦逆冷脇下邪氣相引痛刺足太陽經治陽在足小趾外側本節後

右手關後尺中陽實者膀胱實也病苦小腹滿引腰痛刺足太陽經治陽

病先發於膀胱者背脊筋痛小便閉五日之腎小腹腰脊痛脛瘦一日之小腸脹一日之脾閉塞不通身痛體重二日不已死冬雞鳴夏下晡一云夕

膀胱病者小腹偏腫而痛以手按之則欲小便而不得肩<sub>上</sub>熱若脈陷及足小趾外側及脛踝後皆熱若脈陷取委中

膀胱脹者小腹滿而氣癢

腎前受病傳於膀胱腎欬不已欬則遺溺

厥氣客於膀胱則夢遊行

腎應骨密理厚皮者三焦膀胱厚粗理薄皮者三焦  
膀胱薄腠理疎者三焦膀胱緩急皮而無毫毛者三  
焦膀胱急毫毛美而粗者三焦膀胱直稀毫毛者三  
焦膀胱結也

扁鵲云六腑有病徹面形腎膀胱與足少陰太陽爲  
表裏膀胱總通於五臟所以五臟有疾卽應膀胱膀  
胱有疾卽應胞囊傷熱則小便不通膀胱急尿若黃  
赤傷寒則小便數清白或發石水根在膀胱四肢小

其腹獨大也方見治水篇中骨絕不治齒黃落十日死足太

陽之脈起於目內眥上額交巔上其支者從巔至耳

上角其直者從巔入絡腦還出別下項循肩膊內俠

脊抵腰中入循膂絡腎屬膀胱其支者從腰中下會

於後陰下貫膂入臑中其支者從臑內左右別下貫

肘一作腕過髀樞循髀外後廉下合臑中以下貫臑內

州外踝之後循京骨至小指外側是也動則病衝頭

痛目似脫項似拔脊痛腰似折髀不可以曲一作臑

如結臑如列是為踝厥是主筋所生病者痔瘡狂癲

疾頭腦項痛目黃淚出熱衄項背腰尻臑臑脚皆痛

小指不用盛者則人迎大再倍於寸口虛者則人迎反小於寸口也

膀胱虛實第二

脈四首方六首

膀胱實熱

左手尺中神門以後脈陽實者是太陽經也病苦逆滿腰中痛不可俛仰勞也名曰膀胱實熱也

右手尺中神門以後脈陽實者是太陽經也病苦胞轉不得小便頭眩痛煩滿脊背強名曰膀胱實熱也

治膀胱實熱方

石膏 八兩

梔子仁 一作瓜子仁 茯苓

知母 各三兩

蜜 五合

淡竹葉

生地 各切一升

右七味咬咀以水七升煮取二升去滓下蜜煮二沸分三服須利加芫硝三兩

**義衍**

實則邪氣之實而氣化受傷水道不利因以石膏

解利肩熱知母滋化腎邪梔子清肺胃熱生地瀉

丙丁火淡竹葉除隔上煩茯苓通膀胱閉蜂蜜滋

臟腑燥金水相生清肺熱所以滋腎水土水相

制降胃火即所以利膀胱故以肺胃之藥居多

治膀胱熱病不已舌乾咽腫方



蜜 七合

升麻

大青 各三兩

射干

生元參

黃柏

薔薇根白皮

各四兩

右七味以水七升煮取一升去滓下蜜煮二沸細

細含之

衍義

舌乾咽腫水虧而龍火上僭也蜜能潤燥解毒黃

柏化熱滋陰元參散氤氳氣大青解龍雷火射干

治咽喉痛薔薇散喉舌腫升麻升清降濁助大青

黃柏元參以清膈上之火

膀胱虛冷

左手尺中神門以後脈陽虛者足太陽經也病苦脚  
中筋急腹中痛引腰背不可屈伸轉筋惡風偏枯  
痛外踝後痛名曰膀胱虛冷也

右手尺中神門以後脈陽虛者足太陽經也病苦肌  
肉振動脚中筋急耳聾忽忽不聞惡風颼颼作聲名  
曰膀胱虛冷也

治膀胱虛冷不欲飲食面黑如炭腰脇疼痛方

磁石 六兩

黃芪

茯苓 各三兩

五味子

杜仲 各四兩

白朮

白石英 各五兩

右七味咬咀以水九升者取三升分三服

**衍義**

磁石鎮攝虛陽黃芪溫補衛氣白木厚土益脾五味交通心腎茯苓清利膀胱石英專溫肺臟肺為腎水之母母能令子實也

治膀胱冷欬唾則有血喉鳴喘息方

羊腎 一具

人參

元參

黃芪

桂心

川芎

甘艸 各三兩

茯苓 四兩

骨皮

生薑 各五兩

白木 六兩

右十一味咬咀以水一斗二升先煮羊腎減二升

去腎下藥煮取三升去滓分三服

衍義

膀胱之冷良由腎氣之虛虛則火氣上逆有傷其

陰而致喘鳴欬唾有血故用羊腎補精參芪保元

白朮甘艸實脾隄水桂心芎藭導火和榮元參骨

皮分清解熱茯苓利水清陰生薑開通滯氣以鼓

羊腎參芪之力

龍骨丸 治膀胱腎冷坐起欲倒日䟽䟽氣不足

骨痿方

龍骨

柏子仁

地黃

甘艸

防風

黃芪

各五分

禹餘糧

白石英

桂心

茯苓

各七分

五味子

羌活

人參

附子

各六分

山萸肉

元參

川芎

各四分

磁石

杜仲

乾薑

各六分

右二十味爲末蜜丸如梧子大空腹酒服三十九

日二加至四十九

**術義**

固精助陽和榮實衛益氣養陰疎風利水救本散

標之法兼該一方皆緣腎水罅漏而爲廣輯城池

以禦不虞也

治膀胱寒小便數漏精稠如白米泔方

赤石脂

白石脂

各五分

地黃

三分

菴蓉

六分

赤雄雞腸

雞胫胫

各兩

桑螵蛸

牡蠣

龍骨

川連

各四分

右十味治下篩內雞腸及胫胫中縫塞蒸令熟曝

乾合搗為散以酒和服方寸七日三

衍義

方中赤白石脂固脫龍骨牡蠣桑螵蛸膏精地黃

菴蓉滋髓雞腸胫皮利水消積川連專治便如米

泔汁也

胞囊第三

論一首  
灸法八首

方十六首

論曰胞囊者腎膀胱候也貯津液并尿若臟中熱病者胞濇小便不通尿黃赤若腑中寒病者胞滑小便數而多白若至夜則尿偏甚者夜則內陰氣生故熱則瀉之寒則補之不寒不熱依經調之則病不生矣凡尿不在胞中爲胞屈滯津液不通以葱葉除尖頭內陰莖孔中深三寸微用口吹之胞脹津液大通卽愈

榆皮通津泄熱煎

治腎熱應胞囊澀熱小便黃

赤若不通方

榆白皮

赤蜜

葵子

各一升

滑石

通艸

各三兩

車前子

五兩

右六味咬咀以水三斗煮取七升去滓下蜜更煎

取三升分三服

婦人難產亦同此方

衍義

方中皆屬利水傷津之味惟赤蜜雖能導火兼可通津以其專利竅故產難亦得用之

滑石湯 治膀胱急熱小便黃赤方

滑石 八兩

子芩 三兩

車前子

冬葵子 各一升

榆白皮 四兩

右五味咬咀以水七升煮取三升分三服



衍義

此較泄熱煎無赤蜜通艸而多子芩使下焦風熱  
悉從水道開泄

治虛勞白濁方

榆白皮切二升水二斗煮取五升分五服

又方

搗乾羊骨為末服方寸七日二

凡飽食後或忍小便或走馬或忍小便大走及入

房皆致胞轉臍下急滿不通治之方

用亂髮急纏如雨拳大燒為末醋四合和二方

寸七服之訖即炒熟黑豆葉蹲坐土

義榆皮利竅 羊骨祛風 髮灰散火三法不可不

審

治胞轉方

石葦 一兩

葵子

通艸

甘艸 各二兩

鬼箭羽 三兩

滑石 四兩

榆白皮 一升

右七味咬咀以水一斗煮取三升分三服

治胞轉不得小便八九日者方

葵子 一升

滑石

寒水石 各一斤

右三味咬咀以水一斗煮取五升分三服

千金方衍義卷三  
九  
治胞轉小便不得方

葱白

四七莖

阿膠

一兩

琥珀

二兩

車前子

一升

右四味咬咀以水一斗煮取三升分三服

又方

阿膠三兩水二升煮取七合頓服之

又方

豉五合以水三升煮數沸頓服之

又方

以麻子煮汁頓服之

又方

連枷關燒灰水調服之

又方

筆頭燒灰水服之

又方

燒死蜚螂二枚為末水服之

又方

內白魚子莖孔中

又方

酒和猪脂雞子頓服之

衍義

石韋大寒治熱菀閉癰佐以滑石通艸葵子榆皮

皆走氣分惟衛茅散惡血除賊風甘艸瀉火治痛

然須生者為良 次方中葵子滑石利竅寒水石

法口下焦濕熱以醎能走腎也 第三方專治血積

胞中故用葱白和血阿膠補血琥珀散血車前利

水而不傷腎故膀胱虛者亦得用之 其外單用

阿膠滋臟腑血 豆豉搜腎臟風 麻子潤腸胃

竅 連枷灰取其流利 筆頭灰用以破血 蠅

螂拔毒外出 白魚子利水通津 猪脂雞子滋

津和血兼酒以助之以上諸法各詳其因擇其便

而爲取用可也

灸方

灸脾腧百壯 又灸三焦腧百壯 又灸腎腧

百壯 又灸章門百壯在季脇端

治腰痛小便不利苦胞轉方

灸玉泉七壯穴在關元下一寸大人從心下度

取八寸是玉泉穴小兒斟酌取之 又灸第十

五椎五十壯 又灸臍下一寸 又灸臍下四

寸各隨年壯

三焦脈論第四 論一首

論曰夫三焦者一名三關也上焦名三管反射中焦  
名霍亂下焦名走哺合而爲一有名無形主五臟六  
腑往還神道周身貫體可聞不可見和利精氣決通  
水道息氣腸胃之間不可不知也三焦名中精之腑  
別號玉海水道出屬膀胱合者雖合而不同上中下  
三焦同號爲孤腑而榮出中焦衛出上焦榮者絡脈  
之氣道也衛者經脈之氣道也其三焦形相厚薄大  
小並同膀胱之形云  
三焦病者腹脹氣滿少腹九堅不得小便窘急溢則  
爲水留則爲脹候在足太陽之外大絡在太陽少陽

之間亦見於脈取委陽

小腹腫痛不得小便邪在三焦約取太陽大絡視其結脈與厥陰小絡結而血者腫上及胃腕取三里

三焦脹者氣滿於皮膚殼殼而不堅疼

一云殼殼而堅

久欬不已傳之三焦欬而腹滿不欲飲食也手少陽之脈起於小指次指之端上出兩指之間循手表腕出臂外兩骨之間上貫肘循臑外上肩而交出足少陽之後入缺盆交臆中散絡心胞下隔遍屬三焦其支者從臆中上出缺盆上項俠耳後直上出耳上角以屈下額至頰其支者從耳後入耳中出走耳前過



容主人前交頰至目兌皆是也動則病耳聾輝輝焯焯噎腫喉痺是主氣所生病者汗出目兌皆痛頰腫耳後肩臑肘臂外皆痛小指次指不用爲此諸病盛則瀉之虛則補之熱則疾之寒則留之陷下則灸之不盛不虛以經取之盛者人迎大再倍於寸口虛者人迎反小於寸口也

三焦虛實第五

論三首 灸法七首

方十八首

論曰上焦如霧

霧者霏霏起上也

其氣起於胃上脘並咽以

上貫膈布胸中走液循足太陰之分而行還注於手

陽明上至舌下注足陽明常與榮衛俱行於陽二十

五度行於陰亦二十五度爲一周日夜五十周身周  
而復始大會於手太陰也主手少陽心肺之病內而  
不出人有熱則飲食下胃其氣未定汗則出或出於  
面或出於背身中皆熱不循衛氣之道而出者何也  
此外傷於風內開腠理毛蒸理泄衛氣走之固不得  
循其道此氣慄悍滑疾見開而出故不得從其道名  
曰漏氣其病則肘攣痛食先吐而後下其氣不續膈  
間厭悶所以飲食先吐而後下也寒則精神不守泄  
下便痢語聲不出若實則上絕於心若虛則引氣於  
肺也

澤瀉湯

通膀胱瀉熱治上焦飲食下胃胃氣未

定汗出面背身中皆熱名曰漏氣方

澤瀉

半夏

柴胡

生薑

各三兩

桂心

甘草

各一兩

人參

茯苓

各二兩

骨皮

五兩

石膏

八兩

竹葉

五合

蓴心

一升

右十二味咬咀以水二斗煮取六升分五服

衍義

漏氣者風熱閉其腠理上焦之氣悍慄滑疾經氣

失道邪氣內著乘飲食入胃樞機開闔之時蒸發

熱汗從頭身背陽位漏泄雖言熱在上焦而三焦

之源實從下發故取五苓散中澤瀉桂苓下通膀胱氣化小柴胡湯中柴胡薑半參甘中清膽腑樞機竹葉石膏方中石膏竹葉半夏甘參上散胃中蘊熱相配之妙尤在人參助諸藥力桂心鼓諸藥性導心專瀉胃熱骨皮專走三焦也

麥門冬理中湯 治上焦熱腹滿不欲飲食或食先吐而後下肘攣痛方

揀麥冬

生蘆根

竹茹

廩米 各一升

導心 五合

甘草

茯苓 各二兩

橘皮

人參

萎蕤 各三兩

生薑 四兩

白朮 五兩

右十二味咬咀以水一斗五升煮取三升分三服

衍義

前方治食入則汗故用石膏竹葉骨皮清胃化熱

病在上取諸下也此方治腹滿不欲食故用朮橘

倉米助胃除濕病在下取諸上也前方中柴胡半

夏茯苓竹葉為食入胃氣未定身背皆熱而設此

方中麥冬萎蕤蘆根竹茹為胃熱上逆先吐後下

而設同一漏氣彼專瀉熱此兼理中信手拈來頭

頭是道

治胸中膈氣聚痛好吐方

灸厥陰腧穴在第四椎兩邊各相去一寸五分

隨年壯

黃芪理中湯 治上焦虛寒短氣不續語聲不出

方

黃芪

桂心

各二兩

五味子

桔梗

乾薑

茯苓

甘艸

川芎

各三兩

丹參

杏仁

各四兩

右十味咬咀以水九升煮取三升分為三服

衍義

短氣不續語聲不揚胸中大氣不足可知故用辛

温助陽散逆和榮略入五味以收耗散之氣

黃連丸 治上焦冷下痢腹內不安食即注下方

川連

烏梅肉 各八兩

桂心 二兩

乾薑

附子

阿膠 各四兩

檉皮

川芎

黃蘗 各三兩

右九味爲末蜜丸如梧子大飲下二十九加至三十九

衍義

此於駐車丸中以川芎代當歸理血中之氣加檉

皮輔連蘗治腸胃結熱桂附助乾薑治冷痢注下

烏梅佐阿膠收耗散之津也

厚朴湯 治上焦閉塞乾嘔嘔而不出熱少冷多

好吐白沫清涎吞酸方

厚朴

茯苓

川芎

白朮

元參

各四兩

桔梗

附子

人參

橘皮

各三兩

生薑

八兩

吳茱萸

八合

右十一味咬咀以水二斗煮取五升分為五服

衍義

乾嘔不出熱少冷多肝氣阻逆之驗雖用厚朴橘

皮川芎桔梗破滯之劑不得生薑茱萸不能開運

閉塞不得參苓白朮不能運行藥力元參一味專



# 通膈上氤氲旺氣

論曰中焦如漚漚者在胃中如漚也其氣起於胃中脘在上焦

之後此受氣者主化水穀之味泌糟粕蒸津液化爲

精微上注於肺肺乃化而爲血以奉生身莫貴乎此

故獨得行於經隧名曰榮氣主足陽明陽明之別號

曰獨隆在外踝上去踝八寸別走太陰絡諸經之脈

上下絡太倉主腐熟五穀不吐不下實則生熱熱則

閉塞不通上下隔絕虛則生寒寒則腹痛洞泄便痢

霍亂主脾胃之病夫血與氣異形而同類衛氣是精

血氣是神故血與氣異名同類焉夫脫血者無汗此

是神氣奪汗者無血此是精氣故人有兩死而無兩  
生猶精神之氣隔絕也若虛則補於胃實則瀉於脾  
調其中和其原萬不遺一也

大黃瀉熱湯

開關格通隔絕治中焦實熱閉塞

上下不通不吐不下腹滿膨膨喘急方

川大黃

切以水一升浸

黃芩

澤瀉

升麻

芫硝

各二兩

羚羊角

梔子

各四兩

元參

八兩

地黃汁

一升

右九味咬咀以水七升煮取二升三合下大黃更

煮兩沸去滓下硝石分三服

衍義

關格起於暴閉不通雖云三焦阻逆而實肝腎所  
司故於硝黃澤瀉梔子通利二便藥中加羚羊以  
通肝氣之結地黃以滋腎水之燥黃芩瀉肝膽大  
腸之熱元參清少陰僭逆之火其妙用全在升麻  
一味升清降濁譬諸水注閉其上竅則涓滴不通  
通其上竅則一瀉如注然惟實熱暴閉庶克有濟  
若病久腎氣失職而變此證神丹恐難為力矣

藍青丸 治中焦熱下痢水穀方

藍青汁 三升

川連 八兩

黃蘗 四兩

烏梅肉

地膚子

地榆

白朮各二兩

阿膠五兩

右八味爲末以藍青汁和微火煎丸如杏仁大飲服三九日二以七月七日合大良當衆手丸之

衍義

前第三卷婦人產後痢門有藍青丸彼以破逐瘀積故需椒附鬼白峻攻爲務此治中焦熱痢但取藍青之清熱解毒兼連蘖之苦燥濕熱地膚子之清利膀胱地榆之散血中火白朮之健脾逐血阿膠之滋血潤燥烏梅之收耗散津爲熱痢水穀不消之的方惜于世罕知用特爲拈出庶幾有望乎將來未悟超然而登千金之堂與也

黃連煎 治中焦寒洞泄下痢或因霍亂後瀉黃

白無度腹中虛痛方

黃連

酸石榴皮

地榆

阿膠

各四兩

黃蘗

當歸

厚朴

乾薑

各三兩

右八味咬咀以水九升煮取三升去滓下阿膠更煎取烱分三服

**衍義**

此於駐車丸中加黃蘗佐黃連以燥濕熱地榆以止內崩厚朴以瀉滯氣酸石榴皮以收亡脫之津

氣也

治四肢不可舉動多汗洞痢方

灸大橫隨年壯穴在俠臍兩邊各二寸五分

論曰下焦如瀆瀆者如溝水滲洩也其氣起胃下腕別回腸注

於膀胱而滲入焉故水穀者常并居於胃中成糟粕而俱下於大腸主足太陽灌滲津液合膀胱主出不至入別於清濁主肝腎之病候也若實則大小便不通利氣逆不續嘔吐不禁故曰走哺若虛則大小便不止津液氣絕人飲酒入胃穀未熟而小便獨先下者何蓋酒者熟穀之液也其氣悍以滑故後穀入而先穀出也所以熱則瀉於肝寒則補於腎也

柴胡通塞湯 治下焦熱大小便不通方

柴胡

羚羊角

黃芩

橘皮

澤瀉

各三兩

香豉

一升 別盛

生地 一升

芫硝 二兩

梔子

四兩

石膏

六兩

石十味咬咀以水一斗煮取三升去滓內芫硝分

為三服

初義

腎司閉藏肝司疎泄三焦鼎峙兩腎之間靈樞謂

中瀆之府素問謂決瀆之官今因氣化不及州都

水道不能輸運而出故首取柴胡提挈清陽與手

少陽同秉樞機並取羚羊伐肝散結黃芩瀉肝膽  
火橘皮和水穀氣生地治傷中血痺澤瀉行水清  
陰梔子瀉三焦火以為通塞泄熱之去路

赤石脂湯 治下焦熱或下痢膿血煩悶恍惚方

赤石脂 八兩

烏梅 二十枚

梔子 十四枚

廩米 一升

白朮

升麻 各三兩

乾薑 二兩

右七味咬咀以水一斗煮米取熟去米下藥煮取  
二升半分爲三服

熱傳少陰例中下痢便膿血及腹痛小便不利用

衍義



桃花湯此以煩悶恍惚故加烏梅下氣除煩滿  
梔子除胃中熱氣白朮除熱消食升麻引清氣上升  
以佐石脂之固脫乾薑導熱粳米安胃也

止嘔人參湯 治下焦熱盛氣逆不續嘔吐不禁

名走哺方

人參

萎蕤

黃芩

知母

茯苓

各三兩

生蘆根

梔子仁

白朮

橘皮

各四兩

石膏

八兩

右十味㕮咀以水九升煮取三升去滓分三服

義

走哺者下焦實熱其氣內結不下泌糟粕而淤濁  
反蒸於胃故二便不通氣逆不續而嘔逆不禁也  
故用葳蕤黃芩知母蘆根梔子仁石膏清利胃熱  
之劑上止嘔吐下通便溺全在人參白朮茯苓  
皮鼓舞胃氣以行蘆根等味之力走哺之用蘆根  
與漏氣之用萹心一專嘔逆不食一專下氣止嘔  
兩不移易之定法

香豉湯 治下焦熱毒痢魚腦雜痢赤白臍下小

腹絞痛不可忍欲痢不出方

香豉

薤白

各一升

川連

黃蘗

白朮

茜根

各三兩

梔子

黃芩

地榆

各四兩

右九味咬咀以水九升煮取三升分三服

衍義

毒痢勢甚而飲食尚強胃氣未艾故可用黃連解

毒清燥之劑其用香豉薤白必緣邪熱未除後重

不減故專取二味為方中之首推且以白朮除熱

消食茜根地榆解散滯血然惟毒勢方張者為宜

若痢久元氣下降而見虛滯不食又為切禁不可

不慎

治膀胱三焦津液下大小腸中寒熱赤白泄痢及

腰脊痛小便不利婦人帶下方

灸小腸腧五十壯

黃蘗止泄湯 治下焦虛冷大小便洞泄不止方

黃蘗

人參

地榆

阿膠

各三兩

川連

五兩

茯苓

檉皮

各四兩

艾葉

一升

右八味咬咀以水一斗煮取三升去滓下膠消分

三服

衍義

方中連蘗檉皮皆苦寒清燥治熱結腸胃下水斷

痢之劑地榆亦苦瀉微寒專賴參苓阿膠平調氣

血以助諸藥之力惟艾性稟純陽能開發中外陰邪必緣其人宿蘊濕熱暴感虛寒而洞泄不止故以辛熱之味行苦寒之性濕熱去而真陽復三焦各司其職可無下虛上盛之虞否則方下虛冷二字或有錯誤亦未可知

人參續氣湯 治下焦虛寒津液不止短氣欲絕

方

人參

橘皮

茯苓

烏梅

麥冬

黃芪

乾薑

川芎 各三

吳茱萸 三合

桂心 二兩

白朮

厚朴 各四兩

右十二味咬咀以水一斗二升煮取三升分爲三服

衍義

此治下焦虛寒而用理中四君溫補中焦之藥者

以下焦之氣靡不本諸水穀精微乎化故去甘艸

之甘緩戀膈易黃芪以溫下焦加烏梅以通膽液

麥冬以致津氣川芎以和榮血吳萸桂心溫中暖

下以助理中之功橘皮厚朴降氣泄滯以行四君

之力所以方下統治下焦虛寒不分精液氣血也

茯苓丸

治下焦虛寒腹中瘀血令人喜忘不欲

問人語胸中噎塞而短氣方

茯苓

地黃

當歸各八分

甘艸

乾薑

人參各七分

黃芪六分

川芎五分

桂心四分

厚朴二分

杏仁五十枚

右十一味為末蜜丸如梧子大初服二十九加至

三十九為度日二清飲湯下

衍義

下焦真陽虧損則胸中大氣不布而致血澀不調

瘀滯腹內故需辛溫攻補兼施方克有濟蓋參芪

甘艸不得厚朴杏仁之宣散則滯而不行芎歸地

黃不得薑桂之破結則瘀而不化茯苓一味不獨

治畜血喜忘并守五臟正氣也

伏龍肝湯 治下焦虛寒損或先見血後便轉此

為近血或利不利方

伏龍肝 五合 未

地黃 五兩一方 用黃蘗 阿膠

牛膝 一作牛 莠根

甘艸 乾薑

黃芩

地榆 各三 兩

髮灰 二合

右九味咬咀以水九升煮取三升去滓下膠煮消

下髮灰分為三服

衍義

先血後便為近血金匱主以赤小豆當歸散其方



本在狐惑例中治蟲蝕下部有瘡初得之三四日  
目赤如鳩眼乃瘀血發熱之徵驗七八日目四眦  
黑此膿已成蓋膿之與血異名同類膿本血熱所  
化故可借治下焦之瘀血千金反用先便後血之  
黃土湯於中除去朮附加乾薑牛膝地榆髮灰以  
散血中之滯緣其人榮血既傷下焦雖有虛寒但  
需乾薑之溫散不勝朮附之燥烈也可見治血但  
取歸經不必究其先後遠近耳

治下焦虛寒損或先便轉後見血此為遠血或利

或不利好因勞冷即發宜續斷止血方

續斷

當歸

桂心

蒲黃

阿膠

甘艸

各一兩

二兩

乾薑

地黃

各四兩

右八味咬咀以水九升煮取三升半去滓下膠取

烱下蒲黃分三服

衍義

先便後血為遠血金匱主以黃上湯專取木附竈

土以破瘀結膠地甘艸以和榮血黃芩以化木附

之熱千金以血既下脫不須復用破結之劑乃以

薑桂代木附歸續代竈土蒲黃代黃芩雖用法稍

平而功用不殊然須驗其血色晦淡則當用金匱

法鮮紫當用千金法方為合轍

當歸湯 治三焦虛損或上下發泄吐唾血皆從

三焦起或熱損發或因酒發宜此方

當歸

乾薑

小蘗

阿膠

羚羊角

地黃

柏枝皮

各三兩

芍藥

白朮

各四兩

蒲黃

五合

青竹茹

半升

伏龍肝

一升

髮灰

雞子大一枚

黃芩

甘艸

各二兩

右十五味咬咀以水一斗二升煮取三升半去滓

下膠取烱之髮灰及蒲黃分為三服

義衍

三焦之火出陰入陽陰虛陽湊每致迫血土溢因  
借金匱治吐血不止柏葉湯中乾薑從治於下柏  
皮代柏葉逆調於上伏龍肝代艾溫散於中髮灰  
代馬通導之下行以本經有五癰關格不通利水  
道之治乃柏葉湯之變法加以歸膠芍地之和血  
小蘗蒲黃之散血更以白朮甘艸佐乾薑伏龍肝  
之溫散竹茹黃芩佐柏皮之清解羚羊角佐髮灰  
之去惡血下注藥味雖異而功效與柏葉湯方不  
相上下

灸法

五臟六腑心腹滿腰背疼飲食吐逆寒熱往來小便不利羸瘦少氣灸三焦腧隨年壯

腹疾腰痛膀胱寒澼飲注下灸下極腧隨年壯

三焦膀胱腎中熱氣灸水道隨年壯穴在俠屈骨相

去五寸

屈骨在臍下五寸屈骨端水道俠兩邊各二寸半

三焦寒熱灸小腸腧隨年壯

霍亂第六

論二首 證四條 灸法十八首

方二十八首

論曰原霍亂之為病也皆因飲食非關鬼神夫飽食  
臃膾復食乳酪海陸百品無所不噉眠臥冷席多飲  
寒漿胃中諸食結而不消陰陽二氣擁而反戾陽氣

欲升陰氣欲降陰陽乖隔變成吐痢頭痛似破百節  
如解遍體諸筋皆爲回轉論證雖小而卒病之中最  
爲可畏雖臨深履危不足以論之養生者宜達其旨  
庶可免於天橫矣

凡霍亂務在溫和將息若冷卽遍體轉筋凡此病定  
一日不食爲佳須三日少少粥食三日以後可恣意  
食息七日勿雜食爲佳所以養脾氣也

大凡霍亂皆中食膾酪及飽食雜物過度不能自裁  
夜臥失覆不善將息所致以此損命者衆人生真命  
以五臟爲主夫五臟者卽是五行內爲五行外爲五

味五行五味更宜扶抑所以春夏秋冬逆調理之食  
啖不可過度凡飲食於五臟相尅者爲病相生者無  
他經云春不食辛夏不食鹹季夏無食酸秋無食苦  
冬無食甘此不必全不食但慎其太甚耳諺曰百病  
從口生蓋不虛也四時昏食不得太飽皆能生病從  
夏至秋分忌食肥濃然熱月人自好冷食更與肥濃  
兼食菓菜無節逐冷眠臥冷水洗浴五味更相尅賊  
雖欲無病不可得也所以病苦人自作之非關運也  
書曰非天天人人中自絕命此之謂也

凡諸霍亂忌與米飲胃中得米卽吐不止但與厚朴

葛根飲若冬瓜葉飲但沾瀆咽喉而不可多與若服湯時隨服吐者候吐乃止診脈絕不通以桂合葛根爲飲吐下心煩肉熱汗不出不轉筋脈急數者可犀角合葛根爲飲吐下不止發熱心煩欲飲水可少飲米粉汁爲佳苦不止可與葛根薺苳飲服之

問曰病有霍亂者何師曰嘔吐而利此謂霍亂

問曰病者發熱頭痛身體疼惡寒而復吐利當屬何病師曰當爲霍亂霍亂吐利止而復發熱也傷寒其脈微瀼本是霍亂今是傷寒却四五日至陰經上轉入陰必利本反下利者不可治也霍亂吐多者必轉



筋不渴即臍上築霍亂而臍上築者爲腎氣動當先  
治其築治中湯主之去朮加桂心去朮者以木壅故  
也加桂者恐作奔豚也霍亂而臍上築吐多者及下  
多者霍亂而驚悸霍亂而渴霍亂而腹中痛嘔而吐  
利嘔而利欲得水者皆用治中湯主之

治中湯 治霍亂吐下脹滿食不消化心腹痛方

人參

乾薑

白朮

甘草各三兩

右四味咬咀以水八升煮取三升分三服不瘥頻

服三劑遠行防霍亂依前作丸如梧子大服三十

九如作散服方寸匕酒服亦得若轉筋者加石膏

三兩

仲景云若臍上築者腎氣動也去木加桂心四兩吐多者去木加生薑三兩下多者復用

木悸者加茯苓三兩渴欲得水者加米合前成四

兩半腹中痛者加人參合前其四兩半若寒者加

乾薑合前成四兩半腹滿者去木加附子一枚服

湯後一食傾服熱粥一升微自溫勿發揭衣被也

衍義

經云清氣在陰濁氣在陽營氣順行衛氣逆行清

濁相干亂於腸胃則為霍亂多由寒邪傳入下焦

中焦飲食因之不知是即形寒飲冷者三焦傷也

然質有陰陽偏勝病有寒熱乖揆所以傷寒論首

言寒多欲飲水者五苓散熱多不用水者理中丸

千金更名治中列之三焦理是理寒熱不和治是

治揮霍撩亂總取乾薑之辛溫以鼓舞參朮之健  
運行甘艸之紆緩與五苓散中用桂之意不殊雖  
寒熱多少不同而溫散之理則一朱奉議加青橘  
二皮以治飲食所傷千金又增轉筋一則以補傷  
寒論之未備舉世但知轉筋用木瓜專取酸收夏  
秋之濕熱傷脾此因清氣在陰而走腸胃故用乾  
薑濁氣在陽而擾筋脈故用石膏至於理中丸本  
方後加減諸法並宜確遵觀吐利止而身痛不休  
者宜桂枝湯小和之及四逆湯通脈四逆湯甘艸  
瀉心湯附子粳米湯等方端不出傷寒金匱厥氣

逆上諸治也

桂枝湯 治吐利止而身痛不休者當消息和解

其外以此湯小和之

見十一卷篇中

衍義見傷寒本方條下

當歸 逆加吳茱萸生薑湯

治陽邪陷陰手足

厥冷脈細欲絕方

生薑 五兩

當歸

芍藥

細辛

桂心

各三兩

甘艸

通艸

各二兩

吳茱萸

二升

大棗

二十枚

右九味咬咀以水六升酒六升合煮取五升分五服舊方用棗三十枚今以霍亂病法多痞故除之

如退棗入葛根二兩佳霍亂四逆加半夏一合附  
子小者一枚若惡寒乃與大附子

術義

陽邪傳入厥陰而厥寒脈沉細欲絕與直中陰寒  
之治截然兩途直中陰寒用薑附四逆以回陽惟  
恐藥之不力而變虛陽發露陷陰之邪用當歸四  
逆以通陽仍須桂枝湯但去生薑加當歸助芍藥  
以和營細辛通艸助桂枝提出陽分使陽邪仍從  
陽解其去生薑者恐其性暴不待氣味入陰便從  
太陽開發也在霍亂則不然專取生薑吳茱萸速  
破逆上之厥氣則陽通脈復蓋回陽用乾薑通陽

用生薑一定不易之法

四逆湯 治吐下而汗出小便復利或下利清穀

裏寒外熱脈微欲絕或發熱惡寒四肢拘急手

足厥冷方

甘艸 一兩

乾薑 一兩

半

附子 一枚

右三味咬咀以水三升煮取一升二合溫分再服

強者可與大附子一枚乾薑至三兩

廣濟方云若吐後吸吸少

氣及下而腹滿者加人參一兩

衍義

通脈四逆湯

治吐利已斷汗出而厥四肢拘急

不解脈微欲絕方

大附子 一枚

甘艸 一兩  
半

乾薑 三兩強  
者四兩

右三味咬咀以水三升煮取一升二合分二服脈

出即愈若面色赤者加葱白九莖腹中痛者去葱

加芍藥二兩嘔逆加生薑三兩咽痛去芍藥加桔

梗一兩利止脈不出者去桔梗加人參二兩皆與

方相應乃服之

仲景用通脈四逆加猪膽汁湯

衍義

四肢為諸陽之本故能運動不息今因陽氣乖離

所以四肢厥冷用黑附子溫補下焦之真陽乾薑

溫散中焦之寒逆甘艸溫養三焦之元氣為直中

陰寒之專藥即太陽證之脈浮自汗出小便數心

煩微惡寒脚攣急亦不出此 若其人發熱躁擾  
面赤如醉乃於四逆湯中倍用乾薑以斂外散之  
虛陽加葱白以通內外之陽氣其在霍亂方中專  
取以通清濁相干混亂之逆氣也

四逆湯 治霍亂轉筋肉冷汗出嘔哕者方

附子 一枚

人參

乾薑

甘草 各二兩

右四味咬咀以水六升煮取二升分三服

補義

直中陰寒用薑附溫經而救四肢逆冷因病以立  
名也霍亂加人參助薑附回陽而使四肢溫順勒



名以彰實也與當歸四逆加生薑吳茱萸助力回陽一義

竹葉湯 治霍亂吐利已服理中四順等湯熱不

解者方

竹葉 一握

小麥 一升

生薑 一斤

甘艸

人參

附子

芍藥 各一兩

橘皮

桂心

當歸 各二兩

白朮 三兩

右十一味咬咀以水一斗半先煮竹葉小麥取八升去滓下藥煮取三升分三服上氣者加吳茱萸

半升卽瘥理中四順等皆大熱若有熱宜此湯

緣驗無

芍藥

衍義

金匱竹葉湯治產後中風發熱面正赤喘而頭痛

用人參桂心附子以掇本虛卽兼甘草生薑竹葉

以散標熱彼以艸蓐中發露得風故用葛根防風

桔梗大棗此以吐利後餘熱不解故用歸芍和營

木橘健胃小麥以助生陽之氣金匱一脈相承分

支異治

甘艸瀉心湯 治婦人霍亂嘔逆吐涎沫醫反下

之心下卽痞當先治其涎沫可服小青龍湯涎

沫止次治其痞可與此方

甘艸 四兩

乾薑

黃芩 各三兩

黃連 一兩

半夏 半斤

大棗 十二枚

右六味咬咀以水一斗煮取六升分六服

**衍義**

衍義見第九卷傷寒發汗吐下後生薑瀉心湯下

小青龍湯

治霍亂嘔吐方

見九卷傷寒上

**衍義**

衍義見第九卷傷寒發汗吐下後小青龍湯下

附子粳米湯

治霍亂四逆吐少嘔多者方

中附子 一枚

粳米

半夏 各半升

乾薑 仲景方無

甘艸 各一兩

大棗 十枚

衍義

右六味咬咀以水八升煮取米熟去滓分三服

霍亂四逆吐少嘔多明係厥氣逆上激動胃中痰

涎故於四逆湯中加半夏以滌痰飲粳米以安胃

氣大棗以行脾津本金匱治腹中寒氣胸脇逆滿

嘔吐千金借治霍亂若合符節或問霍亂是胃氣

反戾禁與穀味而此獨不禁者以有薑附之辛散

不礙粳米之戀胃有半夏之滌痰不礙大棗之滋

津也

理中散 治老年羸劣冷氣惡心飲食不化心腹

虛滿拘急短氣霍亂嘔逆四肢厥冷心煩氣悶

流汗扶老方

麥門冬

乾薑

各六兩

人參

白朮

甘艸

各五兩

附子

茯苓

各三兩

右七味治下篩以白湯三合服方寸匕常服將蜜丸如梧子大酒服二十九

衍義

於附子理中湯內加麥門冬以滋津氣之耗茯苓以清濁氣之滯也

人參湯

治毒冷霍亂吐利煩嘔轉筋肉冷汗出

手足指皆腫喘息垂死絕語音不出百方不效

脈不通者服此湯取瘥乃止隨吐續服勿止并

灸之方

人參

附子

厚朴

茯苓

甘艸

橘皮

當歸

葛根

乾薑

桂心

各二兩

右十味咬咀以水七升煮取二升半分三服

衍義

胃中虛冷吐利而用參苓益氣薑附暖中歸桂温

血葛根甘艸通調胃津厚朴橘皮温散痰氣破陰

助陽補正除邪兼致之矣

治霍亂蠱毒宿食不消積冷心腹煩滿鬼氣方

用極鹹鹽湯三升熱飲一升刺口令吐宿食使  
盡不吐更服吐訖復飲三吐乃佳靜止此法大  
勝諸治俗人以爲田舍淺近之法鄙而不用守  
死而已凡有此證卽須先用之

衍義

鹹能下氣過鹹則引涎水聚於膈上涌吐以泄之  
也本方治結熱喘逆胸中病令人吐故云有吐病  
先用之

治霍亂方

菹豆

香薷

各一升

右二味以水六升煮取二升分服單用亦得

治霍亂洞下不止者方

艾一把水三升煮取一升頓服之良

又方

香薷一把水四升煮取一升頓服之青木香亦

佳

治霍亂吐下腹痛方

桃葉煎汁服一升立止冬用皮

治霍亂引飲輒乾嘔方

生薑五兩切以水五升煮取二升半分二服高



良薑亦佳

衍義

霍亂用藊豆安胃香薷清暑令從肌表洩便分泄

艾散胃中濁陰之逆 香薷利膀胱暑濕之氣

桃葉辟邪殺蠱 生薑化痰消食

杜若丸 治霍亂人將遠行預備方

杜若

藿香

白朮

橘皮

吳茱萸

乾薑

人參

厚朴

木香

雞舌香

瞿麥

桂心

勃荷

女萎

茴香

術義

右十五味等分爲末蜜丸如梧子酒下二十九

首取杜若温中下氣已下彙取辛香正氣健脾利

水之品爲丸以爲遠行預防之方一切水土不安

傷中嘔逆咸宜用之不特專主霍亂也

治霍亂永不發丸方

虎掌

薇銜

各二兩

枳實

附子

人參

檳榔

乾薑

各三兩

厚朴

六兩

白朮

五兩

皂莢

三寸

右十味爲末蜜丸如梧子大每服酒下二十九日

三 武德中有德行尼名淨明患此已久或一月  
一發或一月再發發卽至死時在朝太醫蔣許甘  
巢之徒亦不能識余以霍亂治之處此方得愈故  
疏而記之

**衍義**

此方專取虎掌皂莢厚朴檳榔搜逐伏痰積垢舊  
附參朮溫中破結薇銜溫散血中邪濕故可剷除  
病根乃治霍亂之變法

凡先服石藥人因霍亂吐下服諸熱藥吐下得止  
因卽變虛心煩手足熱口燥欲得水嘔逆迷悶  
脈急數者及時行熱病後毒未盡因霍亂吐下

仍發心胸欲裂者以此解之方

薺芫

人參

厚朴

知母

栝蔞根

茯苓

犀角

藍子

枳實

桔梗

橘皮

葛根

黃芩

甘艸各二兩

右十四味咬咀以水一斗煮取三升分三服

衍義

薺芫專解石藥之慄悍兼犀角藍子等一皆清熱

解毒之品參苓甘艸協助胃氣以行藥力千金以

示霍亂之病幻不一非可專守常法也

治中熱霍亂暴利心煩脈數欲得冷水者方

新汲井水頓服一升立愈先患胃口冷者勿服之

治霍亂醫所不治祕方

以童女月經衣合血燒末酒服方寸七百方不  
瘥者用之

治霍亂轉筋方

用蓼一把去兩頭水二升煮取一升頓服之一作

梨葉

又方

燒舊木梳灰爲末酒服一枚小者永瘥

又方

車轂中脂塗足心下瘥

治霍亂轉筋入腹無奈何者方

作極鹹鹽湯於槽中暖漬之

又方

以酢煮青布搦之冷卽易

治轉筋不止者方

男子則以手挽其陰牽之女子則挽其乳近左

右邊

衍義

汲井水以療中熱霍亂此惟動作勞勩之人入

便從汗泄故可無虞若素常逸豫豢養柔脆者慎

毋效尤所以爲之申誠云先患胃口冷者勿服

童女月經衣灰治陰虛不勝時火灼爍而霍亂嘔

吐取其穢濁以導火下行乃燒裊散之變法 蓼

性溫中下水霍亂亦宜用之 梳灰能除垢膩取

其疏通 車脂能通經脈取其轉運 鹽湯探吐

吐中便具散邪之義 醋煮青布取廢之餘以解

漸漬之毒酢之酸以收耗散之氣 莖乳皆筋之

結聚轉筋挽之以通結滯不行之氣也

灸法

論曰凡霍亂灸之或雖未能立瘥終無死憂不可逆灸或先下後吐當隨病狀灸之

若先心痛及先吐者灸巨闕七壯在心下一寸不效更灸如前數

若先腹痛者灸太倉三七壯穴在心厭下四寸臍上一寸不止更灸如前數

若吐下不禁兩手陰陽脈俱疾數者灸心蔽骨下三寸又臍下三寸各六十七壯

若乾嘔者灸間使各七壯在手腕後三寸兩筋間不



三命衣書卷二十  
早  
瘥更灸如前數

若嘔哕者灸心主各七壯在掌腕上約中吐不止更灸如前數

若手足逆冷灸三陰交各七壯在足內踝直上三寸廉骨際未瘥更灸如前數

若先下利者灸穀門二七壯在臍傍三寸男左女右一名大腸募不瘥更灸如前數

若下不止者灸大都七壯在足大趾本節後內側白肉際

若泄利所傷煩欲死者灸慈宮二七壯在橫骨兩邊

各二寸半

橫骨在膂下  
橫門骨是

轉筋在兩臂及胸中者灸手掌白肉際七壯又灸膈  
中中腑巨闕胃腕尺澤并治筋拘頭及足皆愈  
走哺轉筋灸踵踝白肉際各三七壯又灸小腹下橫  
骨中央隨年壯

轉筋四厥灸兩乳根黑白際各一壯

轉筋灸湧泉六七壯在足心下當拇趾大筋上又灸  
足大趾下約一壯

轉筋不止灸足踵聚筋上白肉際七壯立愈

轉筋入腹痛欲死四人持手足灸臍上一寸半四壯

自不動勿復持之又灸股裏大筋去陰一寸

霍亂轉筋令病人合面正臥伸兩手著身以繩橫量

兩肘尖頭依繩下俠脊骨兩邊相去各一寸半灸一

百壯無不瘥

此華佗法

霍亂已死有暖氣者灸承筋七壯

起死人取繩量圍足從趾至跟捻

取等折一半以度令一頭至踏地處引延上至度頭即是穴

又以鹽內臍中灸二七壯

雜補第七

論一首方三十首

論曰彭祖云使人力壯不老為室不勞損氣力顏色

不衰者莫過麋角其法刮為末十兩用生附子一枚

合之酒服方寸七日三大良亦可熬令微黃單服之

亦令人不老然遲緩不及附子者又以雀卵和爲丸  
彌佳服之二十日大效

**義衍**

夏至得陰氣而鹿角解從陰退之象冬至得陽氣  
一而麋角解從陽退之象麋本屬陰而角爲陰中之  
陽故以附子助之與雲笈麋角粉方配入伏人硫  
黃同義然欲求長生而以彼異類遺滓助此身血  
肉之軀總得永年終須尸解解字從角其義可思  
用以資補則可藉以修養則不可

琥珀散 治虛勞百病除陰痿精清力不足大小  
便不利如淋狀腦門受寒氣結在關元強行陰

陽精少餘瀝腰脊痛四肢重咽乾口燥食無常  
味乏氣力遠視眈眈驚悸不安五臟虛勞上氣

滿悶方

琥珀一兩  
研

蕪菁子

胡麻子

車前子

蛇牀子

兔絲子

枸杞子

菴藷子

麥門冬各一升

橘皮

肉蓯蓉

松脂

牡蠣各四兩

松子

柏子

荏子各三兩

桂心

石葦

石斛

滑石

茯苓

芎藭

人參

杜衡

續斷

遠志

當歸

牛膝

牡丹 各三兩

通艸 三兩半

右三十味各治下篩合搗二千杵盛以葦囊先食  
 服方寸七日三夜一用牛羊乳汁煎令熟常服令  
 人強性輕身益氣消穀能食耐寒暑日病除雖御  
 十女不勞損令精實如膏服後七十日可得行房  
 久服老而更少髮白反黑齒落重生

菴蓉散 主輕身益氣強骨補髓不足能使陰氣

強盛方

肉蓯蓉

五味子

遠志

甘草各一升

生地黄

三十斤

楮實子

慎火艸

乾漆各二升

右八味以地黃汁浸一宿出曝乾復浸令汁盡為

散空腹酒服方寸七日三服三十日力倍常雖御

十女無損

禿雞散 有房室人常服勿絕方

蛇牀子

兔絲子

五味子

遠志

防風

巴戟

杜仲

蓯蓉等分

右八味治下篩酒服方寸七日二無室勿服

天雄散 治五勞七傷陰痿不起衰損者方

天雄 五味子 遠志 各一兩

菴蓉 二兩半 蛇牀子 兔絲子 各六兩

右六味治下篩酒服方寸七日三常服勿止

治陰平濕癢生疔失精陰痿方

牡蠣 兔絲子 蛇牀子

菴蓉 柏子仁 各二兩

右五味治下篩酒服方寸七日三以知為度

治陰痿精薄而冷方



菴蓉

鍾乳

蛇牀子

遠志

續斷

薯蕷

鹿茸

各三兩

右七味治下篩酒服方寸七日一欲多房室倍蛇

牀欲堅倍遠志欲大倍鹿茸欲多精倍鍾乳

治五勞七傷庶事衰惡方

巴戟天

蛇牀子

天雄

薯蕷

各三分

雄蠶蛾

十枚

五味子

石斛

菴蓉

各五分

兔絲子

牛膝

遠志

各二分

右十一味治下篩酒服方寸七日三

石硫黃散 極益房勞補虛損方

石硫黃

白石英

鹿茸

遠志

蛇牀子

五味子

天雄

僵蠶

白馬莖

兔絲子

女萎

各等分

右十一味治下篩酒服方寸七日三無房勿服

又方

蘿摩

六兩

五味子

酸棗仁

柏子仁

乾地黄

枸杞根

各三兩

右六味治下篩酒服方寸七日三

又方

車前子莖葉根治下篩服方寸七強陰益精

常餌補方

枸杞子一斤

天雄三兩

菹蓉

石斛

乾薑

兔絲子

遠志

續斷各五兩

乾地黄十兩

右九味治下篩酒服方寸七日二服食無所忌服

藥十日候莖頭紫色乃可行房

治男子陰氣衰腰背痛苦寒莖消少精小便餘瀝

出失精囊下濕癢虛之服此令人充實肌膚肥

悅方

巴戟

兔絲子

杜仲

桑螵蛸

石斛

各等分

右五味治下篩酒服方寸七日一常服佳

又方

薯蕷

巴戟天

山茱萸

丹參

人參

各五分

蛇牀子

五味子

各四分

天雄

細辛

各三分

桂心

二分

乾地黄

十分

千金方卷二十一  
右十一味治下篩酒服方寸七日二夜一

又方

五味子

蛇牀子

各二

續斷

牛膝

各三兩

車前子

菴蓉

各四兩

右六味治下篩酒服方寸七日二

杜仲散 益氣補虛治男子羸瘦短氣五臟痿損

腰痛不能房室方

杜仲

蛇牀子

五味子

乾地黄

各六分

菴蓉

遠志

各八分

防已

巴戟

各七分

兔絲子

十分

右九味治下飭食前酒服方寸七日二常服不絕  
佳

菴蓉散 補虛益陽治陽氣不足陰囊濕癢尿有

餘瀝漏泄虛損云為不起方

菴蓉

續斷

蛇牀子

各九分

天雄

薯蕷

五味子

各七分

遠志

六分

乾地黄

巴戟天

各五分

右九味治下飭酒服方寸七日三凡病皆由醉飽

後或疲極之後而合陰陽致成此病也

白馬莖丸 治空房獨怒見敵不興口乾汗出失

精囊下濕癢尿有餘瀝卵偏大引疼膝冷脛痠  
目中䟽䟽小腹急腰脊強男子百病方

白馬莖

石葦

天雄

遠志

赤石脂

蛇牀子

菖蒲

薯蕷

杜仲

栝萐根

菴蓉

石斛

續斷

牛膝

山茱萸

柏子仁

細辛

防風

各八分

右十八味爲末白蜜丸如梧子大酒服四九日二

服漸加至二十九七日知一月日百病愈

治陰痿方

雄雞肝十具

鯉魚膽十枚

右二吐陰乾為末雀卵和丸如小豆大吞一九

又方

兔絲子一升

雄雞肝三具

右二味為末雀卵和丸如小豆大每服一九日三

又方

乾漆

白朮

甘艸

兔絲子

菴蓉

牛膝

巴戟天

五味子

桂心

各三兩



石南

石龍芮

各一兩

乾地黃

四兩

右十二味爲末蜜和丸如梧子酒服二十九日三

又方

用蜂房灰夜臥傅之

又方

用原蠶蛾未連者一升去頭足毛翅陰乾爲末  
蜜丸如梧子每服十九夜臥鹽湯下之

又方

磁石五斤研清酒三斗漬二七日每服三合日

三夜一

又方

常服天門冬亦佳

又方

五味子一升新好者治下節酒服方寸七日三

稍加至三七無所慎忌食猪魚大蒜大醋盡一

劑即得力百日已上可見功效服藥常令相續

不絕四時勿廢功能自知

又方

兔絲子

蛇牀子

五味子

各等分

右三味為末蜜丸如梧子大先食飲服三九日三

又方

蛇牀子

兔絲子

杜仲

菴蓉

五味子

各等分

右五味爲末蜜和丸如梧子大酒服十四丸日二

夜一

又方

蛇牀子

末三兩

兔絲子

汁二合

右二味相和塗上日五遍

又方

蛇牀子

菴蓉

遠志

各三分

附子 一分

右四味為末以唾和丸如梧子大每服用一九

又方

蛇牀子 三分

天雄

遠志 各二分

桂心 一分

無食子 一枚

右五味為末用

**衍義**

庶事失強多由氣竭肝傷風氣濕熱積痰死血乘  
虛襲於陽氣流行之道或石藥之毒匿於精竅以  
致委頓不起故欲補真陽先須開除積蔭然後始  
能煥發如琥珀散專取琥珀以散血結菴藷以破

水氣蕪菁以解熱毒杜蘅以散風氣石葦以利水道使經脈條暢則溫補諸藥得以奏振起之功

他如從蓉散中乾漆慎火艸卽琥珀散中琥珀石葦之意 禿雞散中防風白馬莖丸中辛防卽琥珀散中杜蘅之意 石硫散中女萎卽琥珀散中

蕪菁之意 杜仲散中防已卽琥珀散中菴藷之意

治陰痿方中雄雞肝通肝血而正強陽鯉魚膽清濕熱而起陰痿雀卵固真陽而益少火乃四

烏鯽一蘆茹丸之變法雜補諸方惟此爲濕熱傷

筋之專藥酒客患此者尤宜 蜂房灰傅陰取其

性稟陰毒以起陰氣之滯 原蠶蛾淫火未離以  
助生發之氣 磁石酒鎮攝虛陽以定喘乏 天  
門冬酒通腎氣強骨髓爲滋陰固陽之善藥 五  
味子交通心腎有強陰瀆精之專功 或加兔絲  
蛇牀或益蓯蓉杜仲功勝附子天雄輩之悍烈也

孫真人千金方衍義卷二十終